

楹書隅錄續編

昨歲撰楹書四錄初編成得書五卷皆先公四經四  
史齋舊藏善本予昔年所收精槧間附錄焉惟繼得黃  
汪二家精校名鈔各本以避兵而儲諸山中者悉未登  
錄今春珥筆稍暇命兒子保彝由里中鈔寄原書跋尾  
若干條手加甄錄補成九十餘種釐爲四卷命曰續編  
若予年來嗜好所在不乏珍笈手校諸籍亦頗罕祕三  
編之纂擬俟諸他日同治辛未中秋彥合主人識于京  
寓五端友齋

男保葬校字

楹書隅錄續編總目

聊城楊紹和彥合

卷一 經部

校本春秋繁露十七卷

元本爾雅三卷

校本博雅十卷

精鈔本汗簡七卷

卷二 史部

校舊鈔本建炎時政記三卷

楹書隅錄續編

總目

一 海源閣

校本孤臣泣血錄不分卷

校舊鈔本紹興十八年同年小錄不分卷

校舊鈔本宋遺民錄二卷

校元舊鈔本國朝名臣事略十五卷

校舊鈔本錦里耆舊傳四卷

校鈔本馬令南唐書三十卷

校本陸游南唐書二十卷

校舊鈔本蜀檮杌不分卷

附吳曦之叛

校影宋鈔本刻錄十一卷

校宋舊鈔本幽蘭居士東京夢華錄十卷

校元本東京夢華錄十卷

校本中吳紀聞六卷

校本武林舊事十卷

校宋舊鈔本中興館閣錄九卷續錄九卷

精鈔本絳雲樓書目一卷

卷三 子部

校明鈔本鹽鐵論十卷

校宋本韓非子二十卷

木  
金  
卷  
校元本宋提刑洗冤集錄五卷

校明鈔本靈臺祕苑十五卷

校明鈔本畫鑿一卷

校舊鈔本衍極五卷

校舊鈔本文房四譜五卷

舊鈔本硯箋四卷

校明藍印銅活字本墨子十五卷

校舊鈔本墨子三卷

校舊鈔本鶡冠子三卷

校宋本劉子新論十卷

校宋明鈔本劉子新論十卷

校舊鈔本蘆浦筆記不分卷

校舊鈔本楊公筆錄不分卷

附沈括補筆談

校明鈔本西溪叢語二卷

校宋鈔本賓退錄十卷

校宋舊鈔本學齋佔畢二卷

校本封氏聞見記十卷

校舊鈔本塵史三卷

校宋本春渚紀聞十卷

校宋本卻掃編三卷

校舊鈔本霏雪錄不分卷

校舊鈔本洞天清錄不分卷

校本意林五卷

校宋舊鈔本東萊先生詩律武庫不分卷

明銅活字本開元天寶遺事二卷

校宋本湘山野錄三卷續湘山野錄一卷

校宋本揮塵前錄四卷後錄六卷三錄三卷餘話

二卷

校宋鈔本河南邵氏聞見前錄二十卷

校舊鈔本河南邵氏聞見後錄三十卷

校舊鈔本歸潛志十四卷

校舊鈔本山居新話不分卷

校舊鈔本東園友聞不分卷

校明鈔本遂昌山人雜錄不分卷

校舊鈔本遂昌山人雜錄不分卷

校本穆天子傳一卷

校本劇談錄二卷

校鈔本江淮異人錄不分卷

校宋本江淮異人錄不分卷

校宋明鈔本茅亭客話十卷

校本酉陽雜俎前集二十卷續集十卷

校明鈔本錄異記八卷

校宋本道德真經指歸十三卷

校宋本列子八卷

校鈔本鳴鶴餘音九卷

卷四 集部

校本蔡中郎集十卷外傳一卷

校舊鈔本毗陵集二十卷

校舊鈔本韓君平詩集五卷

校舊鈔本錢考功詩集十卷

校明鈔本李校書集三卷

校鈔本宗彥先生文集三卷

校舊鈔本呂衡州文集十卷

校舊鈔本呂衡州文集十卷

校舊鈔本呂衡州集十卷

校明鈔本呂衡州文集五卷

校舊鈔本呂衡州文集五卷

校宋明鈔本李衛公文集十七卷外集四卷別集

四卷

校明鈔本清塞詩二卷

校宋本姚少監文集六卷

校宋明鈔本李羣玉詩集三卷後集五卷

校明鈔本元英先生詩集十卷

校宋本碧雲集三卷

校宋舊鈔本王黃州小畜集六十二卷

校舊鈔本寶晉英光集六卷

元鈔本鄱陽集四卷

校舊鈔本湖山類稿六卷

明鈔本汪水雲詩鈔不分卷

舊鈔本汪水雲詩不分卷

校影金精鈔本滄水文文集二十卷

校舊鈔本蛻庵詩集四卷

校舊鈔本三十代天師虛靖真君集二卷句曲外

史雜詩一卷

明王文恪公手寫文集四冊

校宋本唐僧宏秀集十卷

明鈔本元音遺響十卷

校舊鈔本對牀夜話五卷

校宋本山山谷詞一卷

元鈔本樂府新編陽春白雪十卷

楹書隅錄續編總目終

楹書隅錄續編卷一目錄

經部

元本一

校本二

鈔本一

和言附金糸糸

糸一 目金

一 洋沙降

楹書隅錄續編卷一

經部

聊城楊紹和彥合

校本春秋繁露十七卷三冊

右春秋繁露十七卷袁壽階借得揚州秦太史藏鈔本而余轉假以手自校讐者也鈔本爲影宋遇宋諱間有闕者字畫斬方一筆不苟信屬宋刻精本每卷首尾葉最末一行欄格外有細楷書十字曰虞山錢遵王述古堂藏書蓋猶述古舊物矣今以永樂大典本證之多與此合知兩本同出一源唯纂輯時稍加

點竄不如此鈔本爲宋刻真面目若明刻則有豪釐

千里之分矣鈔本述古後未知誰藏

惟卷一格外有墨書一行云休

甯戴震觀於江都客邸

今歸秦太史有臣恩復秦伯敦父石研

齋秦氏印三圖記通體有蠹蝕微爛痕已經裱托幸不甚傷字故校讐時未及注出嘉慶九年甲子二月初辛酉日堯翁黃丕烈識

嘉慶甲戌秋偶過胥門經義齋書坊坊友胡立羣爲余言浙江人係歸班進士謁選入都云行篋中攜有宋版春秋繁露字形類顏歐書所印紙似澄心堂紙

裝四冊索直百金因水道沮滯急於趨程不能取閱  
以所聞證所見疑卽影宋所自出也筆諸是冊尾以  
紀奇書流傳在天壤間固自不乏特未遇則不知耳

復翁

均在末卷



元本爾雅三卷三冊一函

余齋舊藏宋槧諸經善本頗夥往歲於江南得汲古舊藏元刻爾雅注疏元雪窗書院本爾雅注皆精善之本今歲借李伯雨駕部游書肆伯雨獲此本卽以見贈較汲古舊藏十行本注疏行式頗似其鐫印精良較諸本尤勝按爾雅各本均無明代補刊重修者注疏與雪窗二本皆元刊元印此本無刊刻年月及木記尙在雪窗本之前愛日精廬所記釋訓綽綽爰爰緩也以下重語及小註雪窗及閩監毛本俱脫又

釋文私改各條此本俱不誤與余齋藏北宋單疏殘  
本堪稱雙璧洵僅見之笈也每半葉十二行行大小  
皆二十一字有華亭朱氏經術堂印元本甲毛氏子  
晉子晉書印汲古主人東吳毛氏圖書昆虔之印昆  
虔子固昆虔書畫心摹手追與壽福廬昆虔字敬修  
家于燕生於黔年甫二齡隨宦于灤陽八閩往來于  
湖湘齊魯吳越之間嘯雲閣竹雪盦各印

校本博雅十卷一冊

此書於丙辰年高郵宋定之曾借去謂將攜至王懷祖處助伊校勘之用也閱一二載懷祖先生廣雅疏證出見其中所引有影宋本未知卽此與否定之久不來書亦未歸及歲辛酉入都晤王編修伯申伯申懷祖子也問其端的云此書曾由定之借閱已還之矣後向定之蹤跡今始見還雖幾乎遺失而影宋本佳處疏證已掇之亦一幸事俟取疏證一核之王戊之秋七月旣望蕘翁丕烈識

在末卷後

木言... 卷一  
此本卽據支硎山人影宋本校勘者支硎原跋並致  
劉太守書及顧千里跋後均照寫於卷之首尾因已  
載張氏藏書志故不具錄

於既泯流薪傳於无窮郭公之功多矣後之業字學者可不知之庚寅六月所南鄭思肖爲山礪葉君題汗簡後

右汗簡上中下各二卷末卷爲略例目錄共七卷李公建中序爲郭宗正忠恕所撰引用者七十一家亦云博矣崇禎十四年借之山西張孟恭氏久置案頭未及鈔錄今年乙酉避兵入鄉居于莫城西之洋蕩村大海橫流人情鼎沸此鄉尤幸無恙屋小炎蒸無書可讀架上偶攜此本便發興書之二十日而畢家

人笑謂予曰世亂如此揮汗寫書近聞有焚書之令  
未知此一編者助得秦坑幾許虐燄予亦自笑而已  
猶憶予家有舊鈔張燕公集卷末識云吳元年南濠  
老人伍德手錄此時何時嘯歌不廢他年安知不留  
此洋蕩老人本耶但此書向無刻本張本亦非曉字  
學者所書遺失譌謬未可意革李公序云趙字舊字  
下俱有臣忠恕字今趙字下尙存舊下則亡之矣確  
然知其非全本也既無善本可資是正而所引七十  
一家予所有者僅僅始一終取本說文古老子及碧

落碑而已又何從訂其譌謬哉亦姑存其形似耳又此書亦有不可余意處如沔字沔字沔字沔字俱從水今沔從𠂔沔從方泯從氏涸從鹵膾從月而入脊部郤從邑而入谷部駛從馬而入史部朽從木而入𠂔部諸此之類不可枚舉大氏因古文字少未免援文就部以足其數其實非也目錄八紙應在第七卷今七卷首行尙存略敘目錄四字古人著書多有目錄是他人作者故每云書若干卷目錄幾卷卽一人所作目錄亦或在後徐常侍所校說文其明證也今

人一概移置卷首非是今此本目錄亦在第七卷後  
人知之書成後偶餘二紙信筆書此以供他年一笑  
太歲乙酉閏六月之十日孱守老人識

予昔在江南得汲古主人舊藏佩觿字鑑有斧季朱  
筆校正手蹟精雅絕倫得未曾有近獲龍盒手鑑及  
此本尤稱精善龍盒手鑑爲子晉寫以贈勅先者此  
本則葉石君由牧齋所藏舊本手寫而成字體古秀  
較馮己蒼本款式稍大而點畫特爲精妙勘校綦詳  
洵奇書也其後序三段猶牧翁筆朱校則也是翁所

補著于錄以見古書授受源流云同治庚午冬月初

雪海源閣主人志

均在卷末

上中下各分二卷每半葉八行行作五排原字在上  
分注於下目錄一卷居後古例也有葉石君蒙叟虞  
山錢曾遵王藏書明善堂珍藏書畫印安樂堂藏書  
記各印

楹書隅錄續編卷一終

楹書隅錄續編卷二目錄

史部

校本十五

鈔本一

楹書隅錄續編

卷二目錄

一 海源閣

楹書隅錄續編卷二

史部

聊城楊紹和彥合

校舊鈔本建炎時政記三卷一冊

甲戌季冬余新知陳仲遵爲余言遺經堂近有舊書一單大半皆鈔本曾見之乎蓋時迫歲除無暇爲此冷淡生活故久不至書坊卽坊友亦久不來也大除偶過元妙觀前遂至是坊蹤跡之檢及是冊苦不知其載於何書目偶與仲遵談及謂是書係李忠定公所著載在郡齋讀書志第五卷上二十二葉并借余

鮑氏知不足齋鈔本因手校一過鮑本實有可正是  
本誤處然每卷脫去起止一行又每日多接連空格  
多作某字且改赤爲尺皆非古書面目究不如此怡  
顏堂鈔書之爲舊也乙亥正月十日記復翁

李羣玉方干詩集合裝者余家向有一本係空居閣  
舊藏刻有書賈持此冊來亦李方合裝而二集後墨  
筆題識多同想同出一源此則汲古舊藏審其字跡  
似毛本後於馮本也初得見是書時以馮本對勘鈔  
無異字惟此本方集多汲古孫綏萬跋語知取黑格

條鈔本及東山席氏刻本一爲校勘者然其意以黑格爲不足據而席氏刻余又以爲在舊鈔後不應據刻改鈔故遂置之及書賈持去偶閱讀書敏求記云元英先生家集十卷此云元英者避宋諱也集中贈美人七言長句四首今本爲俗子芟去得此始補全之方歎讀書未遍致失善本急令書賈取回出重資購而並儲焉稍補余過嘉慶癸酉三月晦日復翁識

均在末  
卷後

道光辛巳冬見黑格條鈔本有子晉跋語卽是分授

殺萬之本也價昂未收聞是香嚴藏本復翁記

二跋  
原誤

格中心下方有怡顏堂鈔書五字

嘉慶乙亥夏日惕甫借讀一過


在卷  
首

校本孤臣泣血錄二冊

不分卷

此明刻本靖康孤臣泣血錄因是葉石翁孫慶翁兩家藏本故收之歲辛酉得郡中青芝山房所藏鈔本遂手校一過於此刻上覺勝此遠甚命工重裝藏諸篋衍今日坐雨無聊偶檢及此爰題數語壬戌立冬後二日甲寅黃丕烈識

卷首有葉樹廉印石君孫從添印等印



校舊鈔本紹興十八年同年小錄一冊

不分卷

紹興同年小錄明宏治間曾有刻本

浙江采輯遺書目錄詳言之

余友蔣藝萱之素好張東畬有此書藝萱攜以示余  
余亦欲得之因物主寶爲宋刻故議價未妥去年殘  
臘海鹽家椒升以此本來易去青錢一千五百文蓋  
猶是舊鈔且傳本罕有宜珍之以與元刻元統元年  
進士題名錄並藏焉嘉慶三年歲在戊午三月六日  
黃丕烈識

嘉慶己巳恭遇

今上五旬萬壽各省大僚虔備貢品書籍文玩亦在購辦之列吾吳爲江南會垣珍物雲集城中特開貢局景慶始開於前大觀繼開於後前所云宏治刻紹興十八年同年小錄適出大觀之局余借歸校勘多所是正惜物主仍視爲宋刻未知可能成交否向來以舊鈔書爲可寶今歷觀諸書鈔本最爲難信卽如茲錄脫落甚多此其一也惟舊刻自宋而元而明初縱有舛譌皆屬無心非有意刪削也聊記於此以爲讀書者示準則云己巳七月十日復翁識

大觀局者葑門彭宋兩家所開也彭行三號明峰宋亦行三號曉巖皆諸生宏治本之紹興同年小錄爲明峰之兄彭梧岡物也彭得於張屢欲歸余而其值總無的實數目窺其意仍視爲宋刻故不之果且係便家似非重值毋甯置之則此書斷不可出矣筆之於此以見書雖明刻罕祕而不可得如此甲戌仲春望後三日春寒奇甚復翁

以上各跋均在冊末

是冊對宏治刻本可謂精審然經後人拔去刻本人名未知原本面目如何余別得金陵嚴長明家鈔本


與此殊異可參考之時甲戌仲春望後三日養疴西廂檢此識復翁

在卷首

此錄而外尙有寶祐四年登科錄以文天祥榜故也所見傳鈔本外惟明刻爲最初本然無刊刻年月玩其板刻字形及紙墨似較紹興十八年同年錄稍後昔曾於經義書坊見之係無錫故家物物主持來審是何時刻本余適至坊間故見之彼視爲宋刻故未敢問值也閱歲辛巳又從師德堂書坊見一本彷彿與前所見相同而視爲宋刻物主之見解如合一轍

亦遂置之計一百餘葉卷帙稍益於紹興同年錄後  
知暫質於武林友人僑吳者張心栽處余得復見之  
故數其葉如此爰書此附載於紙尾以見二錄舊本  
無過明刻云爾道光辛巳秋八月蕘夫識

在冊末



校舊鈔本宋遺民錄十五卷二冊一面

古書日就湮沒卽如明初本已不可多得矧前於此者乎此宋遺民錄猶是照明初刻本寫者篋藏久矣頃收得毛子晉藏本於明刻似影摹故明人題語多有此稍脫略矣全書經斧季用朱墨兩筆手校又有別一人墨校余悉臨之以備參攷至於每卷各有附錄總置書後足見古人搜訪之勤體例之善蓋是書原係程篁墩所輯儻有未備未確者不妨俟後人補之正之近時知不足齋叢書中刊此於所補者刊入

當卷下所正者盡空其文吾無取乎爾也茲第就程錄所有悉爲校勘而毛氏之附錄者不存焉亦取存此宋遺民錄之真本而已復翁

校元舊鈔本國朝名臣事略十五卷二冊

名臣事略吾家曾蓄元刊本乃吳枚菴舊物也中有漫漶丁卯季秋蕘圃黃君易去以香巖書屋精本校爲完璧予後得此鈔本中多闕字與元本漫漶處正同想卽出祖前本錄出耳且鈔手甚劣有全行脫落者今閒居多暇因復從黃君假得校定元本校讀一過闕者補之譌者證之雖遠遜古刻若供翻閱則猶可爲善本也嘉慶己巳重陽日長洲張紹仁記於綠

筠廬

道光癸未春因友人收得貝碯家書中有舊鈔本蘇天爵名臣事略係王西泚家物其實是明時淡生望鈔本也思購之以臨校元本元本原係執經堂物余向年承訥菴相讓故訥菴所留反屬鈔本之校元刻者余於去年歲除料理歲務以古書爲活計元刻亦轉歸他所今從友人易此舊鈔從是本手爲校勘復得補校幾個漏落字或所据元刻有初印後印之不同抑淡生主人從義長者改竄他日仍擬再借元刻一叅之冬至後三日龔夫識

所鈎勒行款惟十一卷參差一行并記均在卷末  
卷首有仲魚圖象印得此書費辛苦後之人其鑒我  
印並張氏紹仁長洲宋氏各印記

校舊鈔本錦里耆舊傳四卷二冊

錦里耆舊傳四卷蓋不全書也余舊藏爲馮氏藏本相傳爲歷來鈔錄之本祇後四卷故標題卷五至卷八此本有竹垞老人記未知卽曝書亭集所跋本否跋云三卷又云至乾德三年止殊不合也昨以馮本校其異字於上下方是者圈之非者抹之展卷可了然也馮本亦有誤處得此可正書不嫌多置職是故耳立夏前一日復翁記

續案竹垞翁跋云尋有除目二十六人此冊所載卻

合如馮本多王昭遠右領衛上將軍一行雖亦止二十六人而王昭遠一人兼兩官未知所多者果確否

也并記

均在末卷後

卷首有竹垞老人印

校舊鈔本蜀檮杌

未附吳曦之叛

均不分卷

外史檮杌十卷見於宋人著錄而近所傳者未知何  
自出余向藏舊鈔本較此少遜頃借海甯陳仲魚藏  
本勘一過彼分卷二前後俱有序其自序中語與宋  
人所載合必非妄矣因補錄於卷中此似出明刻末  
有范得志跋可證矣曦之叛云云又因蜀而附焉者  
也丁卯夏五月念六日復翁黃丕烈識

校陳本畢因取舊藏馮己蒼本校一過脫誤纍纍誠  
較此本爲遜而鈔手甚舊必非無據者其異同悉用

墨筆標於上下方統三本閱之陳本爲勝矣其前後序不識果出於文類否復翁又記

癸酉莫春吳枚菴借此校本去歸時見有紅筆夾籤若干條蓋從其本校出者也因亦以紅筆著其緣由

四月立夏前三日復翁

以上各跋均在冊末

校鈔本馬令南唐書三十卷二冊

余向收得馮氏藏本南唐書二冊因家有舊刻轉歸於周丈香巖後余適以舊刻歸他所而案頭反無馬書舊本遂從香巖假歸命門僕影錄一本錄畢久未取對日來梅雨淹旬閒居少客先用硃筆手校錄誤字一過次臨硃筆校閱語於上方及行間又次臨硃筆句讀蓋重其爲馮氏藏本也馮氏名舒字已蒼卷三十後墨筆所錄跋語亦舊時已蒼用硃筆識者也分本亦照原本冊首冊尾各有上黨長方印馮氏藏

本方印茲不能摹其篆文以楷書記其款式而已嘉  
慶庚午夏至後一日黃丕烈識

卷中尙有顯然訛字句讀亦有舛錯沈欽韓記均在末卷  
後

校本陸游南唐書二十卷二冊

汲古閣初刻陸氏南唐書舛誤特甚此再刻者已多所改正然如讀書敏求記所云卷例俱遵史漢體首行書某紀某傳卷第幾而注南唐書於下今流俗鈔本竟稱南唐書本紀卷第一卷二三列傳亦如之開卷便見其謬者尙未改去其他沿襲舊譌可知其不少矣陸敕先校本藏小讀書堆傳臨一過頗多裨益藏諸篋中久矣今蕘圃話及此書未得佳本而予適欲得其重本之野客叢書因舉以相易蕘圃其姑儲

此以俟特未審遵王所藏敕先所見是一是二惜敏求記不言其詳也他時庶乎遇而辨之嘉慶己未五

月顧廣圻記

在卷首

南唐書馬陸並稱余家舊藏元本馬書較時本頗善陸書向無舊刻頃從澗蕢易得傳錄陸敕先校本雖非舊刻亦可與馬書並稱善本矣毛刻附於劍南集以行余所藏放翁之詩文皆有宋刻惟此本與老學菴筆記皆無宋刻今得此校本差可與老學菴筆記校本並藏日後倘得舊本不可取以相參證乎嘉慶

己未夏五月中澣九日梅雨連朝陰霾積悶書此以  
破岑寂棘人黃丕烈識

乙丑冬日得陸敕先手校錢遵王鈔本復取此參一  
過目錄校改悉如敏求記中云云矣向時澗蕢跋云  
特未審遵王所藏敕先所校者是一是二今乃豁然  
頓悟蓋錢遵王之鈔本較善也蕘翁

丁卯歲收得穴研齋鈔本卷末一葉格旁有虞山錢  
遵王藏書七字一行審是遵王手書則陸取校者必  
此書矣頃取出略爲對勘時有歧異未知其故或遵

王尙有別本邪抑敕先校時有脫誤邪張訥菴吳枚菴各借此臨校余記憶不清謂已從遵王原本手校一過今出穴研齋鈔本證之知未校過也恐疑誤良友書此自訟己亥五月二日廿止醒人識

以上各跋均在末卷

案末跋己亥疑乙亥之誤

校影宋鈔本刻錄十一卷二冊

此高似孫剡錄殘本從周丈香巖藏本影寫者周本爲姑餘山人沈與文所藏卷中有吳門世儒家塾竹齋兩長方印又有沈與文印姑與山人兩方印其爲明嘉靖時鈔無疑遇完字作宀朗字作朗當是影宋鈔者宋人地志最足取重世有梓本如范成大之志會稽等書已不能盡得宋本面目况宋本外絕無流傳者乎此本流傳甚少得此亦足珍祕聞嘉定錢少詹家有全本久假之而無以應我蓋竹汀先生於此

書非常所寓目者一時尋覓未得遂不能借鈔殊爲  
悵然識之以見古書難得全璧所遇每如是二冊誤  
字不少暇日當細爲手校一過嘉慶戊午秋八月二  
十八日燈下取周本對勘竣事聊記於此棘人黃丕

烈

在第六  
卷下後

此八卷至十二卷余從錢少詹藏本補錄者也少詹  
本與周香巖所藏影宋殘本行款悉同而筆墨差少  
古致大約 國初人鈔本前有語古小長方印又一  
小方印其文曰崧皆何義門先生之章也中多紅筆

校宋舊鈔本幽蘭居士東京夢華錄十卷一冊

己亥八月借江氏宋刊本校閱一過枚菴漫士

余向見汲古閣珍藏祕本書目有宋板東京夢華錄  
及收得一元刻楮墨精好始疑宋版之說或卽指是  
蓋元刻亦不易得也頃從吳枚菴家獲其散出之書  
中有舊鈔東京夢華錄係枚菴手校江氏宋刊本云  
宋本八行十六字取對元刻行款不同卷中紅筆校  
處亦多歧異乃歎天壤甚大有宋板而不能發見者  
幾危矣哉甲子三月十日蕘翁識

余舊藏元刊本爲顧五痴家物因與此鈔本及校宋本俱不符故未校茲昨歲冬季已歸藝芸書屋祇留此舊鈔校本爲齋中展玩之副蓋此等書非有關大用不必定以刻本爲勝也聊書數語以當解嘲丙子歲初三日復翁

戊寅夏濂溪坊蔣氏書散出爲壽松堂蔣氏收得中有宏治甲子年重新刊行本每葉十六行行十六字大旨與此校八行十六字本同或當日卽據此本以爲宋刊也校本云八行者就半葉計之也方悔前此

信此校之爲朱刊故不敢以元刻校宋茲見明刻與  
宋校合而所謂朱刊者全不可信甚哉書非目見難  
以臆斷也初伏第四日復翁記

越日晨起無事取宏治甲子重新刊行本校其異於  
別紙間有勝於校本者擬仍錄諸卷中至譌謬處亦  
復不少似前跋以爲八行十六字卽是此本未必確  
也總之書非目覩憑口說耳食以定是非斷斷乎其  
不可校畢復翁又記

道光癸未元夕後三日沈小宛借此歸還因欲注其

所撰荆公文集注也中有校語二條并記蕘夫

道光癸未二月張紹仁借觀

均在卷末

校元本夢華錄十卷一冊

余所收東城顧桐井家大板細字元刻幽蘭居士東京夢華錄十卷楮墨精妙是明初印本已歸諸藝芸書舍矣頃於坊間獲此刻少第十卷倩工摹祕冊彙函本補之仍往借之手校如右并補趙師俠跋茲因手校知字有描寫處稍爲美玉之疵耳癸未二月蕘夫

此幽蘭居士東京夢華錄十卷東城顧桐井家藏書也因顧質於張余以白金二十四兩從張處購得裝

潢精妙楮墨古雅板大而字細人皆以爲宋刻余獨  
謂不然書中惟祖宗二字空格餘字不避宋諱當是  
元刻中之上駟至於印本當在明初蓋就其紙背文  
字驗之有本班助教廖崇志堂西二班民生黃刷卷  
遠差易中等論語大誥云云雖文字不可卒讀而所  
云皆國子監中事知廢紙爲監中冊籍也余向藏何  
子未校者卽出於此刻知毛刻猶未盡善不但失去  
淳熙丁未浚儀趙師俠介之後序而已竹垞翁所藏  
爲宏治癸亥重雕本此殆其原者惟汲古閣珍藏祕

本有所謂宋刻其書目載之未知與此又孰勝耶卷中收藏圖書甚多知其人者獨顧氏大有諸印爲我吳郡故家夷白齋一印不識是陳基否然篆文印色俱新恐非其人矣嘉慶庚申閏四月芒種後三日輯所見古書錄啟緘讀之因補題數語於後閱收得時已二載餘矣讀未見書齋主人黃丕烈識道光癸未仲春美鏐敬臨於讀未見書齋之西軒

從黃蕘翁借觀元槧夢華錄蕘翁囑爲覆校此本拾遺補闕又得三十餘字復以毛氏汲古閣舊藏鈔本

參閱並記其異同數字於眉間道光癸未二月廿四

清明日張紹仁識

均在卷末

校本中吳紀聞六卷二冊

去冬有嘉禾友人與余同好來訪余卽住齋中書友聞之雜沓而至適有人持明刻中吳紀聞校過者云是陳白陽山人手校友人遂買之余向蓄是書有二刻一明刻一毛刻而何校者擬留臨校參其異同友人允諾留將半年今始臨校爲家藏多係已校者恐亂校本面目必再得一本方可下筆是書頃向骨董鋪得來爲西泚家散出之書人去而物亦去可傷也夫辛未四月有四日復翁

西泚卽西莊王鳴盛之號也嘉定人僑居閩門外龐家街乙亥記

乙亥花朝收得李明古家遺書中有鈔本中吳紀聞亦有道復跋語不知與前所見陳校本誰假誰真後鈔本歸張訥菴俟假勘之四月十八記

五月十有九日借張本勘一過與前所見陳校本不盡合中一二佳字用朱字記出惟前本脫一葉此本字跡補脫與原鈔字跡異疑前爲陳校原本而此臨之也復翁

均在卷末

明刻與陳校茲校恐亂其真明刻與此異者僅以墨  
筆識之惜陳校未知所本抑出意改也復翁記

首在卷

校本武林舊事十卷二冊

武林舊事乃弁陽老人草窗周密公謹所集也刊本止第六卷山中仇先生所藏本終十卷後歸西河莫氏家余就假於莫氏因手鈔成全書以識歲月藏於家塾至元後戊寅正月忻厚德用和父

舊鈔補敘一篇係遵王手書者此本今在周香巖令似漱六居余於夏間借歸手校其墨校者余悉據改其朱校屬西賓陸拙生臨之復翁記

均在末卷後

舊刻止有宋廷佐六卷本祕笈所刻有後武林舊事

未之見也近日知不足齋叢書謂參酌於宋陳兩家刻本然非其舊矣詞句尙多佳處讀者可以鮑本爲據余喜蓄古書宋廷佐本尙亦有之時以明刻未之珍惜已易去今但存影鈔本矣辛未仲冬復翁記

首

在卷

辛未大除偶過五柳居主人出祕笈相示因從彼借武林舊事歸祕笈以基待詔已下爲一卷後分二三四五卷爲後武林舊事總成五卷余取校於此本壬申正月二十一日校訖記復翁

鮑叢書据陳祕笈本校後武林舊事余誤陳爲商王

申春覆勘記

在卷首

嘉慶辛未冬重錄錢遵王所藏舊鈔本朱校陸拙生

記

均在末卷後

校宋舊鈔本中興館閣錄九卷續錄九卷四冊

全書借顧抱冲小讀書堆影宋鈔本手校內正續官  
聯有倒置者此照影宋鈔本補脫照舊校宋刻本正  
誤宋塵一翁記丙子季秋

此書向藏宋刻曾借小讀書堆影宋本勘之惟續錄  
文誤訂入前錄中者三葉影宋時承其錯簡而混廁  
前錄中并擅改版心妄填名目以致正續不分賴有  
宋刻正之詳見余所撰所見古書錄中近宋刻已歸  
他姓復購得一鈔本其原或出聚珍本由永樂大典

掇拾者所誤三葉以空白闕疑茲據影宋本補其文據宋刻正其誤其餘續錄官聯茲覆校始知尙有錯簡惜當時宋刻未暇正也復翁

均在卷首

此鈔本余得諸五柳居實嘉善人家物也聞其家有一進士故多藏書是必能讀書者是書不詳所由來行款全非舊本意從永樂大典本出而未敢必也余今手校此影宋本又依向所親見宋刻之勝於影宋鈔者手證其誤此本居然善本矣因思此等書籍視之無甚緊要而欲考究一朝典實非但館閣制度可

於此見卽其中人材輩出姓氏籍貫科第犁然在目  
孰謂非一緊要書耶余固不憚借本雋校若此也復

翁

在卷末

缺第一卷及續錄第九卷



舊鈔本絳雲樓書目一卷一冊

小山氏手鈔本

在卷首

案絳雲樓書目有二本一無倦圃序不附靜惕堂書目詮次亦多不同似所注宋元版字樣較多久欲參校奈二本皆屬鈔本未敢輕改姑各仍其舊頃五柳主人以此本見遺手寫極工雅知是何仲老鈔本較昔長孫從坊間得者遠勝爰手校一過并囑澗蘋補其空行俾爲完本云癸未歲杪老堯記

在卷末

予齋藏錢氏絳雲季氏延令徐氏傳是各書目皆鈔

楹書隅錄續編

卷二

三 海源閣

本惟此目與彖竹堂書目亟佳且爲前賢手定尤足  
珍愛特著於錄以見藏書家淵源云同治紀元仲冬  
海源閣主人跋

在福  
葉

有小山煌印千里顧廣圻審定堯圃手校士禮居書  
魔各印

楹書隅錄續編卷二終